

# А. В. МЕТЛА

## Яшкульск района „Лиманный“ совхозин директор

Уурмуд!

Амн болгъна тоод мах, тос болн ус гаргългъар Америкин Соединенн Штатсиг өөрхн джилмүдин эргцд кўцдж авхмн гисн партин дуудвриг „Лиманный“ совхозин кўч-кўлсчнр ик гидг өргмджтәгъар тосцхав.

КПСС-н XX-ч съездин ши-идврмүд кўцәлгънд „Лиманный“ совхозин кўч-кўлсчнр иим диилврмүдтә болв:

Хөөчнр, үр Колодезов А. Д. 100 хөөнәс 130 хургъ авч, теднәснә нег чигн гару уга, үр Улюмджиев Т. 100 хөөнәс 128 хургъ авад, хургъдан гару угагъар хадгълджана, үр Очиров Бода 100 хөөнәс 118 хургъ авад, бас гару уга өсгджәнә.

Совхоз 7643 центнер ноос

киргъдж авад, тер ноосан кевтнъ белдврин пунктур йовулв.

Ода өвс белдлгънә кōдлмш болджана, зурагъар болхла 28 минъгън га хадхвдн. Июлин 15 кўртл 36 минъгън 800 га өвс хаддж, өвс белдлгъән дууснавдн гидж даалгъвр бийсдән авчанавдн.

1958 джилд совхозд хөөнә тоог урдкаснә 10 минъгън толгъя икдўлхмн, хōн болгънас 6 кг ноос киргъдж авхмн гидж темдглгдв.

Эн ик болн кўндтә төриг кўцәхин төләд совхозин хөөчнр, ўкрчнр, механизатормуд болн цуг кōдләчнр хō өсглгънә кōдлмшт эркн сән мал өсгәчнр кōдлгәд, хөөнә тоог гару угагъар, нег ўлўзуна цагт хургъд хадгъллгъиг тетгнәвдн гидж бийсдән даалгъвр авб.

Хō өсглгъиг болн ноос элвгәр авлгъиг өсгдж-өргджўлхин төлә 1958 джил хөөнәннә 70 процентинъ ўвләр болн эртхаврар хургълулдгт, 1959 джил цуг хөөдән ўвләр болн эртхаврар хургълулдгт, гаргъхмн гидж совхоз план кев. Тер төләд, ўвләр болн эртхаврар хō хургълулджахин кергт эн джилин бийднә 9 дулан хаша тосхгдхмн.

Мах элвәхин болн терўг государствд элвгәр орулдж өгхин төлә 1958 джил чиндгъ өсгдг болхмн гидж совхоз темдглв. Государствд мах орулдж өгх плагъан болзгаснә өмн, гурвдгч кварталла кўцәхмн.

„Лиманный“ совхозин кōдләчнр социалистическ дөрләнәд орлцад, Алдр Октябрин 40-ч өөниг тоомсртагъар тосцххмн.